



**Der Stat Worm[b]s || Reformacion: statute[m].
ordenu[n]g || Satzung die alle[n] Stette[n]: co[m]munen:
Regime[n]ten: fürste[n]=||thum: Herschafften:
Amptleüte[n]: nutzlich: furdlich: vn[d] || ...**

Knobloch, Johann

Straßburg, 1509

VD16 VD16 W 4382

VD18 VD0096124

Ausszug wider henndel oder geschicht die sich vnder andern Personen
begeben haben

[urn:nbn:de:hbz:466:1-98940](https://nbn-resolving.org/urn:nbn:de:hbz:466:1-98940)

heiligtage. Der lieben heil. tag sant Sebast. Paulus. efernung. sant Valentini. Kathedra vnnnd vincula petri. sant Glorien tag. sant Marcus. des heiligen Crüts tag findung vnd erhebung. sant Margareth. sant Marien mag dalene. sant Ciriaci. Iourentzien. sant Johans enthaubtung. sant Michels. sant Martius. sant Elinggen. sant Katherinen. sant Barbaren. sant Lucien tag. solcher Ferien mag sich niemant verzyhen.

¶ Etlich sind offenbar oß Bürisch Ferien als die auffgesetzt sind zu zeyte der Erren vnnnd des Herbsts zwey mal im iar.

¶ Ferien der Erren setzen vnnnd wöllen wir halten vnnnd gehalten haben auff dem Achten tag des Monats Julii. das ist sant Kiliani tag bis auff de fünfften tag des Augustmonats.

¶ Ferien des Herbsts wöllen wir halten vnnnd gehalten haben von dem Achtrechen den tag des Monats Septembris anzurechen bis auff den zwölfften tag des Monats Octobris.

NDer in etlichen sachen mag mann handeln inn solliche Ferien die zu gunst den menschen sind auffgesetzt. darin die selben Ferien nit hindern. Als da yemant clagt vmb posses. aber nit in der sache der eygenthum. Auch in sachen zwüschen frembden oder außlütten auff ein fürgenommenen arrest oder lömer. Auch inn clagen vmb leybs narung: vnnnd in sachen des fridbruchs oder zugefügter schaden. Oder auff verkündung eines niwen Bauwes. vnnnd in ander der gleychen sachen die fürderlich oder ylendts auftrags erfordern. da sorgfeltigkeit schaden ist in verzug der sachen.

¶ Aber die dinge die auß gütem willen beschehen: als Inuentarien zu machen. zu geben Tutores oder Vormünde. vnd annemen derselben vormünderschafft. Ein kuntschafft zumachen. vber gaben zu öffnen vnd verkünden oder letzt geschafft vnder gleychen mögen zu zeyten der Ferien die der menschen notdurfft halben auffgesetzt sind an Gericht oder sunst beschehen vnnnd außgericht werden.

Auszug wider hendel oder geschicht die sich vnder andern Personen be- geben haben.

Li. xxxviii

RIchlich oder wilkürlich hendel oder geschicht auch vrtail vnnnd rechtfertigung die sich zwüschen einer oder mee andern personen oder Partheyen begeben haben oder ergangen sindt denen vnschedlich die nit inn solliche handlungen begriffen oder verfasser. Vnd mag der wiß den ein solliches geprauchte würde. darwider disen auszug geprauchten vnnnd des genießen.